

新亞研究所專刊

兩漢迄五代入居中國之蕃人氏族研究

——兩漢至五代蕃姓錄——

蘇慶彬著

新亞研究所專刊

兩漢迄五代入居中國之蕃人氏族研究

兩漢至五代蕃姓錄——

蘇慶彬著

中華民國五十六（一九六七）年九月初版

兩漢迄五代入居中國之蕃人氏族研究

兩漢至五代蕃姓錄

定價：港幣貳拾伍元

著者：蘇慶彬

出版者：新亞研究所

香港九龍農圃道六號

承印者：香港田風印刷廠

香港高士打道二式一號  
電話：七二七七四五

# 序

清儒治學趨於考據，名物數度罔不究心，專門名家輩起迭出；而辨姓系者僅武威張介侯澍，外此無聞焉。蓋譜牒之學至宋已漸衰歇，歷元明及清終不振，人遂漠視之矣。民國己巳潤孫入燕京大學國學研究所，執贄新會陳援菴師門下。師命研討歷代蕃姓，於是遍求姓氏之書，自風俗通姓氏篇元和姓纂逮張介侯姓韻稿本無不取而讀之。復考諸史傳，參以碑刻，於蕃漢氏族流別稍窺概畧。閱時三年，勉成初稿，始秦漢，終元明，約十萬言。援菴師語潤孫曰：「持此足備考索，然其事不止於是，汝知之乎？夫我炎黃胄裔與邊疆諸族長期混凝，始有今日之中國。春秋時戎狄固已合於諸夏，即自漢以降，無論其爲入主抑歸附之蕃人，陶染既久，相率化於周孔，習中原禮樂，而貫用漢姓，或攀援漢魏郡望，或依託唐宋舊門，世亦未嘗不以軒轅子孫視之。吾人所以考尋其淵源，明其姓氏之所自出者，非辨華夷之畛域也，惟求指明其融滙之踪跡，以證我華夏爲一混合民族。質言之漢族之傳統雖久遠，而其血則常新，是以剝極能復，歷危猶存也。」嗚呼！太史公著史記言五帝皆黃帝後，吾友王啓澍教授謂其樹立中華大一統之基礎，誠是也。此義之不明也久矣，今日向人言五帝故事，其不爲人所非笑者幾希。此以太史公必求好學深思之士而語之，豈無故哉！豈無故哉！援菴師於數千年民族遞嬗凝合之歷史有深切之認識，而春秋之辨華夷，異乎近世民族學家言，尤爲所重視。孤明獨發遙承史公。持論與元西域人華化考通鑑胡注表徵諸書相表裏，誠中國史學大綱宏旨之所在，非拘牽於狹義之民族區分與徒以考據治史者可同日而語。惜潤孫驚劣，論文雖繳，而自病其瑣屑，憚於重定，歲月攸忽，

底本終致散佚。甲午秋自臺灣來香港，執教新亞。蘇君慶彬從治史學，勤奮孜孜，十餘年如一日，因以斯事語之，勸其賡作。蘇君效林寶鄧名世之製，撰兩漢迄五代入居中國之蕃人氏族研究，備錄姓源及世系，視姚薇元君書，體例較近於古。頃來索序，因舉曩日升堂所聞以應之。世有好春秋之學而不忘我民族精神者，諒不河漢其言。斯編付刊，去潤孫問學勵耘書屋幾四十年，皓首無成，有負期許多矣。幸薪火相傳，師承未墜，尙堪聊以慰解。循是尋求，造詣庸詎可限，蘇君其勉乎哉。

丁未六月朔日癸酉福山牟潤孫謹識

## 凡 例

- 一、以兩漢迄五代入居中國之蕃人有姓名可考者爲限。
- 二、全文分北狄、東胡、西羌、西域、及東夷五部。
- 三、排列以時代先後爲序，十六國時，則以其立國先後爲次，並以有世系者爲主，若同姓而無世系可尋者，雖時間爲先，亦依次附於表後。
- 四、一族之中有兩易其姓者，其人世系或不相連，仍並列之。
- 五、兄弟次序，其可考者，依次排列，不可考者，則以所見先後爲序。
- 六、史稱代人者，其人本出蕃胡，惟未知其出於何種，史無可考，或其證據不足徵者，未敢妄自論斷，爰將代人及其他不可稽考者，均附於東胡鮮卑之後。
- 七、入居中國之蕃人，其居地可考者則標明，不可考者從畧。
- 八、初入居之蕃胡，姓名極難稽考，或有名無姓，或姓名不可分者，則以第一字作姓。
- 九、史料出處注於表後，但間有見於碑誌者，則注在各人之下。
- 一〇、本文分爲上下編，下編世系雖接前編，但仍以一世起計。

# 目錄

序

凡例

緒言

上編、兩漢至隋

一、北狄……………五——七七

(一) 匈奴 (二) 羯 (三) 丁零 (四) 蠕蠕

二、東胡……………七八——二八六

(一) 鮮卑 (二) 烏桓 (三) 吐谷渾 (四) 乙弗勿敵

三、西羌……………二八七——三二七

(一) 氐 (二) 羌

四、西域……………三二七——三四五

(一) 鄯善 (二) 于闐 (三) 安息 (四) 月支 (五) 康居

(六) 焉耆 (七) 何國 (八) 龜茲 (九) 車師 (十) 天竺

(十一) 其他

五、東夷……………三四五——三五四

(一) 高麗 (二) 素和 (三) 肅慎 (四) 勿吉 (五) 其他

下編、唐五代

一、北狄……………三五五——四一五

(一)匈奴 (二)羯 (三)丁零 (四)蠕蠕 (五)突厥

(六)回鶻 (七)沙陀

二、東胡……………四一五——五五四

(一)鮮卑 (二)吐谷渾 (三)乙弗勿敵 (四)契丹

(五)奚 (六)靺鞨

三、西羌……………五五五——五六五

(一)氐 (二)羌 (三)吐蕃

四、西域……………五六六——五八六

(一)于闐 (二)安息 (三)康國 (四)畢國 (五)曹國

(六)月支 (七)龜茲 (八)波斯 (九)米國 (十)疏勒

(十一)烏石蘭 (十二)天竺

五、東夷……………五八七——五九五

(一)高麗 (二)素和 (三)新羅 (四)百濟 (五)倭國

(六)其他

結語  
後記



## 緒言

上古之世，大河流域，華戎雜居，歷春秋戰國，迭經驅攘，戎狄漸徙北土。逮秦漢之際，其族類轉盛，皆統攝於匈奴，雄據塞北，儼然與秦漢成內外對峙之局。蓋其族類，弱則馴服絕域山河之表，崎嶇川谷阻險之地；彊則寇掠邊民。是故，秦國一統，即使蒙恬北征。漢初，高祖以匈奴屢侵北境，率師北伐，反遭白登之辱。自此之後，遂媾和親，歲輸布帛，暫息其患。至漢武登極，積七十餘年之休養生息，然後施撻伐之策，并遣張騫出使西域，宣揚漢威，開邊拓土，遠征絕漠。是時，夷狄懾於漢威而降服，或慕義而向化者間有之。東漢而後，南匈奴移居塞內，鮮卑烏桓，入居遼東，氐羌亦相繼徙居并涼，輒以萬計。由是其種與漢人雜處，數世之後，族類繁息，官吏鄉民，每受其苦。魏之鄧艾，晉之郭欽，江統，鑒於夷狄繁衍，將爲後患，皆有徙戎之議。迨晉室衰微，匈奴劉淵，振臂一呼，則異類相煽，揭竿而起，覆沒將官，屠破城邑，風塵之警，起自蕭牆，關中三輔，風煙瀰漫，晉室迫於南渡，中原土族，亦相率南奔矣。

永嘉亂後，大河南北，淪於夷狄，諸胡貴種，憑其政治軍事力量，儼然列於北方高門大族之林，而邊塞蕃胡，亦舉種相率內遷。洛陽伽藍記云：「西夷來附者，處崦嵫館，賜宅慕義里，自葱嶺以

西，至於大秦，百國千城，莫不歡附，商胡販客，日奔塞下，所謂盡天地之區，已樂中國之土風，因而宅者，不可勝數，是以附化之民，萬有餘家，門巷修整，闔閭填列，青槐蔭陌，綠樹垂庭，天下難得之貨，咸悉在焉。」僅洛陽一地，寓居之胡人，萬有餘家，則其盛況可知。

唐繼隋興，聲威遠播，卓邁前古，四夷向化內屬者益衆。唐貞觀三年，戶部奏：「中國人自塞外歸及四夷前後歸者，男女一百二十餘萬。此數雖非盡是蕃胡，而其數亦可觀。據通鑑載：「突厥諸酋拜官五品以上者百餘人，殆與朝士相半，因而入居長安者近萬家。」加以海陸交通之開拓，西域諸國商旅，往來中國，絡繹不絕，長安蘗街，胡人充塞，不可勝計。

唐代末年，君主昏庸，邊徼強胡，伺機而起，沙陀種落，相繼內侵，五季諸君，多屬胡人。中原政權復淪於夷狄。

蓋入居之蕃胡，本居漠北之野，風俗語言，殊於華夏，其人姓氏，皆胡語漢譯，故多複姓。至魏孝文遷都洛陽，厭其姓氏重複，遂用夏變夷，詔改單姓。自是其人多冠漢姓，以氏族觀之，無異華夏。比至隋唐，高門大族，多爲代北之裔，中書要地，有盡是胡人之感。故胡身之慨然嘆曰：「嗚呼自隋以後，名稱揚於時者，代北之子孫，十居六七矣，氏族之辨，果何益哉。」然而入居之胡人，於南北朝時，幸賴魏書官氏志，尚存新姓之所自，可畧窺華夷之殊，至唐以後，禦邊有功之蕃將，或慕義而歸降之蕃胡，受賜國姓，其始可知其所自出，漸則子孫無異華裔，且史傳所載，頗多不涉其先世，或直諱其出於夷狄。讀史者非溯其源流，則不知其種姓。如畢誠、曹確等，史亦諱其所出，若非

崔慎猷所言，亦未知其出自蕃胡也。至五代之際，中原鼎沸，一時豪傑，俱畜養子以自固，號爲義兒軍，其人不循宗法，雖爲族弟，而命之曰養子。後唐太祖養子嗣恩出自吐谷渾，本姓駱氏。存信出自回鶻，本姓張氏。存孝出自代北，本姓安氏。當時其人俱冠李氏。是故歐公喟然而嘆曰：「唐主數傳而姓三易，昭穆之辨，益復難矣。」又馬氏端臨曰：「唐莊宗、明宗，既捨其祖而祖唐之祖矣，及敬瑄，知遠崛起而登帝位，俱欲以華胄自詭，故於四親之外，必求其所謂始祖。」是亦姓族混淆之端也。然而胡漢氏族之亂，一亂於魏孝文以夏變夷，再亂於李唐之賜國姓，更亂於五代養子之風，是故氏族之辨，不可缺也。

今言姓氏之書，尙存者不多，林寶元和姓纂，堪稱唐以前姓氏之總匯，蕃人姓氏，頗有所錄，然是書曾亡佚，今本姓纂，采輯於永樂大典，及諸姓氏書之下，轉輾傳鈔，舛誤尤多。近人岑仲勉先生之校勘，頗有所得，惜其限於體例，姓纂遺漏，或林氏未著錄者，皆畧不述，此雖可補今本姓纂之舛謬，猶不足以補林氏原書之不足。至歐公修唐書，作宰相世系表，蕃人亦有所及，而其所用史料，大致本於姓纂，其文尙可訂史之缺。惟表所叙世系，則以其人入相一系爲主，其旁支從畧，仍不足以觀其世族之全，且叙蕃人先世，明爲異族，猶稱其出自諸夏之後，曲說附會，表亦由之，此尤不愜人意者。清人周嘉猷，撰南北史表，蕃人氏族，稍有著錄，而所叙世系，偏而不全，且亦失諸疏畧。

鑒於前賢撰述，言姓氏者，多以漢人姓氏爲主，蕃姓僅附於末，且缺畧甚多，更有姓名存而無其人者；言胡漢民族同化者，又未能從其姓氏衍變而窺其混化。本文之旨，以正史爲本，參諸姓氏書，

旁及碑誌，先甄別其種類，溯其得氏之由，以姓繫人，考其昭穆，作世系表，以明民族混化之跡，兼補姓氏書之缺也。自愧才疏學淺，且時力有限，未能博覽群書，舛誤缺漏，在所不免，博雅之士教正爲幸。

# 上編、兩漢至隋蕃人世系表

## 一、北狄

### (一) 匈奴

于氏 匈奴人也。

漢景帝中元三年于軍來降，封爲安陵侯。 漢書卷一七功臣表

賜 匈奴人也。史亡其姓氏。

漢景帝封賜爲桓侯。 漢書卷一七功臣表

陸氏 匈奴人也，漢景帝中元三年陸彊降，封侯。

彊 酒侯	一世
則 嗣	二世
	三世
	四世
	五世
	六世
	七世
	八世

漢書卷一七功臣表

唯徐氏 匈奴人也。

漢景帝中元三年，唯徐盧降，封侯。按唯徐盧，漢書功臣表云：「榕城攜侯徐盧。」據王先謙漢書補注云：「王念孫曰：攜當爲唯，且當在侯字下，唯徐姓，盧其名……公卿表容城侯唯塗光爲太常。唯塗光乃盧之孫也，周勃傳匈奴王徐盧等五人降漢，顏注功臣表云：唯徐盧，彼正文脫唯字。」今從補注校正。又元和姓纂（下簡稱姓纂）卷二云：漢景帝時，匈奴徐盧庸來降，通志畧四同，並以徐盧爲姓，庸爲名，均誤。

盧 榕城侯	一世
纏 康侯	二世
光 嗣	三世
	四世
	五世
	六世
	七世
	八世

漢書卷一七功臣表

僕氏 匈奴人也。

漢景帝中元三年，封僕黠爲翁侯。漢書卷一七功臣表  
漢武帝元狩二年，僕朋來降，封侯。

朋 【註一】 輝渠忠 侯	一世
雷電 嗣	二世
	三世
	四世
	五世
	六世
	七世
	八世

漢書卷一七功臣表

註一、漢書補註云：「史表作僕多，與衛青傳同。「朋」「多」形近而譌，今從漢表。」

范氏 匈奴人也。

漢景帝中三年范代降，封侯。

代 范陽 靖侯	一世
德 懷侯	二世
	三世
	四世
	五世
	六世
	七世
	八世

漢書卷一七功臣表

邯氏 匈奴人也。

漢景帝中元三年，封邯鄲爲翁侯。

漢書卷一七功臣表

盧氏 匈奴人也。

漢景帝中元五年，盧它之來降，封侯。

一世	它之 亞谷 簡侯
二世	種 嗣
三世	漏 康侯
四世	賀 嗣
五世	
六世	
七世	
八世	

漢書卷一七功臣表

樂 匈奴人也，史亡其姓氏。

漢武帝元朔元年，封樂為特轅侯。 漢書卷一七功臣表

月氏 匈奴人也。

漢武帝元朔二年，封親陽侯。 漢書卷一七功臣表

猛 匈奴人也 史亡其姓氏。

漢武帝元朔元年，封猛為若陽侯。 漢書卷一七功臣表

於氏 匈奴人也。

漢武帝元朔三年，封於單為涉安侯。 漢書卷一七功臣表



趙氏 匈奴人也。

漢武帝時有右將軍翕侯趙信。漢書卷一七功臣表

漢武帝元朔四年，趙安稽來降，封侯。

安稽 昌武侯	一世
充國 嗣	二世
	三世
	四世
	五世
	六世
	七世
	八世

漢書卷一七功臣表

桀氏 匈奴人也。

漢武帝元朔四年，桀龍來降，封侯。

龍 襄城侯	一世
病已 嗣	二世
	三世
	四世
	五世
	六世
	七世
	八世

漢書卷一七功臣表